

Ahâtu di aproapi și ahâtu di largu

Pi tini omu, ti mutrescu ciudusitâ!
Crișhitemu cafi noapti,
cama-n dzeanâ,
tutu ma multu,
tutu ma aproapea,
tutu ma largu...

Pânâ la țzeru,
Ma înclo de njirleățza țzerlui,
ma înclo di njirleățza lui strâbâtemu yislu,
Ditu paradislu urdzâtu tu noapti
mi tornu tu yislu a meu arâspânditu
Intru tu a ta inimâ ca arodiile coapti di cânjina soarilui -
mușhuteățzâ di buiei, njiurizmi și minduiri...

Mași luna, rutunda lunâ
s-aspuni pitu niorii avinațzâ di vintu,
Mași luna, rutunda lunâ
nâ lunjineadzâ yislu țzi doarmi pi arâu
țzi nâ minteașhti multu înlâcrimata puizii di vreami,
pitu crendzâli
cu chitchi a bitârnelui arodiu

Tutu iasti înghrâpsitu, tutu-i uftare, clipitâ,
Tutu iasti un ahurhitu nibițzitu,
Tutu iasti câftarea iholui di ma ninti,
Tutu ma aproapi di tini, di noi,
Tutu țzi triculu tu yisu dinâu bânămu,
Ahâtu di aproapi și ahâtu di largu,
Mi cațzâ, ti caftu
Pitu adânca mutritâ ditu yilia apâei ditu niori.

Aclo iu zbițzeășhti chirolu
himu noi -
Largu di dzâli,
Largu di meși,
Largu di anji,
Pi calea câtâ Videala Ti Totna.